

լիցենզավորող հանձնաժողովը իր նիստերում փակ գաղտնի քվեարկությամբ կայացնում է որոշումներ:

Դիտարկելով նշված ժամանակշրջանում լիցենզավորման գործակալության կողմից ուսումնասիրված և բացասական գնահատված եզրակացությունները, երբ ներկայացված հայտերը չեն համապատասխանել ՀՀ օրենսդրության պահանջներին՝ պարզվեց, որ կան դեպքեր, երբ լիցենզավորող հանձնաժողովը դրական եզրակացություն տալու վերաբերյալ որոշումներ է կայացրել և հայտ ներկայացրած անձինք լիցենզավորվել են:

Մի շարք դեպքերում լիցենզավորման գործակալության կողմից բացասական եզրակացություն ստացած հայտերի վերաբերյալ լիցենզավորող հանձնաժողովը դրական եզրակացություն է տվել և հայտատուները լիցենզավորվել են

Օրինակ՝

1. «ԻՆՆՈՎԱ ՄԵԴ» ՍՊԸ-ի կողմից ներկայացված հայտին գործակալությունը 04.04.2017թ.-ին տվել է բացասական եզրակացություն ՀՀ օրենսդրության

պահանջներին 13 կետով անհամապատասխանության վերաբերյալ, մասնավորապես.

ա/ կենսաքիմիական (բիոքիմիական) լաբորատորիայում բացակայում է ջրի դեղինիզացնող սարքը,

բ/ ներգատաբանական կաբինետում բացակայում են հասակաչափը և բժշկական կշեռքը՝ մեծերի և մանկական, սառնարանը, հանդերձապահարանը,

գ/ գինեկոլոգիական կաբինետում բացակայում են ավտոկլավը, ախտահանիչ սարքերը,

դ/ ընտանեկան ստոմատոլոգիական կաբինետում բացակայում են դիաթերմոկոագուլյատորը, վերին և ստորին ծնոտների ատամների հեռացման համար նախատեսված աքցանների և ամբարձիչների հավաքածուն, կլորաշուրթ աքցանը (կրամպոն),

ե/ ճառագայթային ախտորոշման (ռենտգեն) սենյակում բացակայում են հետազոտվողների համար՝ պաշտպանիչ գոգնոցը, սփռոցը, անձնակազմի համար՝ ճառագայթապաշտպան մեծ շիրման,

զ/ մանրէազերծման սենյակում բացակայում է ուլտրասոնիկ նախամանրէազերծման սարքը և այլն:

Գործակալության եզրակացությունում բերված է նաև, որ նշված անհամապատասխանությունները, ըստ Լիցենզավորման կարգի 20-րդ կետի 5-րդ ենթակետի, հանդիսանում են հայտի մերժման հիմք, սակայն Հանձնաժողովը փակ գաղտնի քվեարկությամբ տվել է դրական եզրակացություն և կազմակերպությունը լիցենզավորվել է:

2. «Ուիզմոր Քլինիք»-ի կողմից ներկայացված հայտին գործակալությունը 20.07.2017թ.-ին տվել է բացասական եզրակացություն ՀՀ օրենսդրության պահանջներին 10 կետով անհամապատասխանության վերաբերյալ, մասնավորապես.

ա/ առաջին մակարդակի վերակենդանացման բաժանմունքում բացակայում են ողնաշարի անշարժեցման վակուումային բեկակալները,

բ/ երրորդ մակարդակի վնասվածքաբանական օրթոպեդիկ բաժանմունքում բացակայում են բելերի բեկակալները՝ տարբեր չափերի, մաուի աղեղները՝ մանկական,

- զ/ ինտենսիվ բուժման պալատում բացակայում են ճառագայթային տաքացնող լամպեր, թթվածնի վրանները, շնչական խառնուրդի խոնավացուցիչները,
- դ/ մանկական վերականգնողական բաժանմունքում բացակայում են հիդրոթերապիայի վաննաները,
- ե/ մանկական վնասվածքաբանական-օրթոպեդիկ բաժանմունքում բացակայում են Բելեռի շինաները (տարբեր չափերի), Բալկանյան ձողերը, Մաույի աղեղները, կմախքային ձգման աղեղները (սկոբաներ),
- զ/ վիրահատարանում բացակայում են անաստոմոզների համար կարող ապարատներ և կարի ատրավմատիկ նյութերը, ճողվածքների ալլոպլաստիկ նյութերը, Սեգալի լայնիչը, Բլեգմորի զոնդը, մագիստրալ անոթների կաթետերիզացիայի սարքավորումները, ստերնոտոմը,
- է/ բացակայում են մաքուր և թարախային վիրակապարանները,
- թ/ մաշկավենեռաբանական կաբինետում բացակայում են կաթետերները (կոշտ),
- ը/ կենսաքիմիական լաբորատորիայում բացակայում է ջրի դեիոնիզացնող սարքը և այլն:

Գործակալության եզրակացությունում բերված է, որ նշված անհամապատասխանությունները, ըստ Լիցենզավորման կարգի 20-րդ կետի 5-րդ ենթակետի, հանդիսանում են հայտի մերժման հիմք, սակայն Հանձնաժողովը փակ գաղտնի քվեարկությամբ տվել է դրական եզրակացություն և կազմակերպությունը լիցենզավորվել է:

3. Ա/2 Արմեն Մարգարյան կողմից ներկայացված հայտին գործակալությունը 25.10.2018թ.-ին տվել է բացասական եզրակացություն՝ ՀՀ օրենսդրության պահանջներին 4 կետով անհամապատասխանության վերաբերյալ, մասնավորապես.

- ա/ մանրէազերծման սենյակում բացակայում են ուլտրասոնիկ նախամանրէազերծման սարքը, մանրէասպան լամպը կամ օդը վարակազերծող այլ միջոցները,
- բ/ ընտանեկան ստոմատոլոգիական կաբինետում բացակայում է ստոմատոլոգիական դիաթերմոկոագուլյատորը և այլն:

Գործակալության եզրակացությունում բերված է նաև, որ ՀՀ օրենսդրության պահանջներին նշված 4 կետով անհամապատասխանությունները, ըստ Լիցենզավորման կարգի 20-րդ կետի 5-րդ ենթակետի, հանդիսանում են հայտի մերժման հիմք, սակայն Հանձնաժողովը փակ գաղտնի քվեարկությամբ տվել է դրական եզրակացություն և անձը լիցենզավորվել է և այլն:

Համաձայն «Լիցենզավորման մասին» ՀՀ օրենքի 26-րդ հոդվածի 5-րդ կետի՝ լիցենզավորող հանձնաժողովների եզրակացությունները տրվում են «Լիցենզավորման մասին» ՀՀ օրենքով և լիցենզավորող հանձնաժողովների կանոնադրություններով նախատեսված կարգով:

Ըստ ՀՀ առողջապահության նախարարի 15.11.2011թ. թիվ 20-Ն հրամանով հաստատված առողջապահության նախարարության լիցենզավորման հանձնաժողովի կանոնադրության 2-րդ կետի՝ լիցենզավորման հանձնաժողովն իր գործունեության ընթացքում ղեկավարվում է «Լիցենզավորման մասին» ՀՀ օրենքով, իրավական այլ ակտերով և իր կանոնադրությամբ:

Կանոնադրության 8-րդ կետի 1-ին ենթակետով սահմանվել է, որ.

հանձնաժողովը՝ «Լիցենզավորման մասին» ՀՀ օրենքի և լիցենզավորման կարգերի հիման վրա՝ իր իրավասության շրջանակներում քննում է առողջապահության բնագավառի լիցենզիաներ ստանալու հայտերի՝ «Լիցենզավորման մասին» ՀՀ օրենքին, լիցենզավորման կարգերին, այլ իրավական ակտերին համապատասխանությունը և ըստ այդմ փախուսող հայտը բավարարելու կամ մերժելու վերաբերյալ եզրակացություններ, որոնք ներկայացվում են ՀՀ առողջապահության նախարարին:

Ըստ կանոնադրության 18-րդ կետի՝

հանձնաժողովի եզրակացությունները տրվում են «Լիցենզավորման մասին» ՀՀ օրենքի, լիցենզավորման կարգերի և այլ իրավական ակտերի հիման վրա՝ հաշվի առնելով հայտատուի կողմից ներկայացված փաստաթղթերը, նրանց վերաբերյալ լիցենզավորման գործակալության ներկայացրած եզրակացությունը,

ըստ կանոնադրության 19-րդ կետի՝

հանձնաժողովի եզրակացության չափանիշներն են գործակալության եզրակացության համապատասխանությունը ոլորտը կարգավորող նորմատիվ իրավական ակտերին և հայտատուի կողմից ներկայացված փաստաթղթերին:

«Լիցենզավորման մասին» ՀՀ օրենքի 29-րդ հոդվածը սահմանում է, որ լիցենզիա ստանալու հայտը մերժվում է, եթե.

- դիմողի ներկայացրած փաստաթղթերը թերի, ակնհայտ կեղծ կամ խեղաթյուրված են,
- ներկայացված փաստաթղթերը չեն համապատասխանում «Լիցենզավորման մասին» ՀՀ օրենքի և ՀՀ օրենսդրության պահանջներին,

- օրենքով կամ լիցենզավորման կարգերով նախատեսվում են այլ դեպքեր:

Լիցենզիա ստանալու հայտի մերժման դեպքերը հստակ սահմանված է նաև ՀՀ կառավարության 29.06.2002թ. թիվ 867-Ն որոշմամբ հաստատված Լիցենզավորման կարգի հավելված 5-ի 20-րդ կետով՝ մասնավորապես.

- ներկայացված հայտը և կից փաստաթղթերը թերի են և չեն լրացվել կարգի 11-րդ կետով նախատեսված ժամկետում կամ դրանցում առկա են ակնհայտ կեղծ կամ խեղաթյուրված տեղեկություններ,

- ներկայացված փաստաթղթերը չեն համապատասխանում օրենքի, այլ իրավական ակտերի և սույն կարգի պահանջներին,

- կարգի 14-րդ և 17-րդ կետերով սահմանված լիցենզավորման պարտադիր պահանջներին և պայմաններին չհամապատասխանելու դեպքում և այլն: